

La doturia **Grete Mahlknecht** é demez en lõnesc y en dedolõnesc, ai 15 y 16 de forá, y vëgn sostituida dal dotur Eduard Agreiter 0474 523 315 / 333 13 80 852.

PLOANIES SAN MARTIN Y LUNGIARÜ

Sö Oies él vigni de mësä (ince la domënia) dales 16.00 ater co le lõnesc nia. Ocajiuns da se confessé él vigni de dan o do mësä. Lascësse a d'intène pro pater Jan Matik, ince te ciasa. Vigni pröm vëndres dl mëis dales 20.00 él te capela n'adoraziun eucaristica.

Peregrinaje a Spinges y Porsenú-porta santa (organisé dala Uniu dles Patrones y acompagné da siur degan Iaco Willeit) ai 04/03. I piun ia dal zënter de Lungiarü dales 8.15 y dales 8.30 da S. Martin sot la dljia. Prenotaziuns pro Lucia 338/99 18 326 o Loise 0474 590 026 cina ai 28 de forá. Düc é der bel invia.

Invit ala **oraziun de Taizé** sö Oies en vëndres, 19 de forá, dales 20.00.

SAN MARTIN

En domënia ai 21 de forá vëgnel tigní dala mësä prefestia y dala gran mësä l'oferta por **scialdé la dljia y la calonia** perian dër bel do osc contribut.

Por le **peregrinaje a Porsenú** ai 23 d'aurí prëibel prenotesse defata pro un/öna di mëmbri dl consëi de cöra paian 25 euro por iade y marëna (cina al 01 de merz).

Indoman, lõnesc, 15 de forá, tignunse la **pröma dles incuntades**, che le consëi de cöra mët a jí sön proposta de siur ploan, por vire plü sot i contignüs de Carsëma y s'arjigné ca ala festa de Pasca. Al vëgn siur Sepl Granruaz a nes porté dant cun dias le salm „Miserere“ ch'i ciantun tres indò, de Carsëma, dales sopoltöres y tles funziuns penitenziales. Düc é bel invia dales 19.30 tl salf di stödafüch.

LUNGIARÜ

Al vëgn indo perié do le **contribut por le mone** che po gní paié te calonia les proscimes döes domënies ai 21 y ai 28 de forá do mësä. (Tignide cunt che le mone ti fej n gran sorvisc ala comunité y é dagnora dan man da vigni funziun.)

Por le **peregrinaje a Porsenú** ai 23 d'aurí prëibel prenotesse defata pro Emma Clara te calonia do mësä o pro i atri aconsiadus, paian 25 € por iade y marëna (cina al 01/03).

La **Uniu di Seniors da Lungiarü** lascia al savëi ch'al vëgn tigní da d'altonn n curs da fä cripeles. Chësc intant sciöche pröma informaziun.

I sorvidus da Lungiarü ó rengraziè por l'oferta dla "Kuchenaktion". I scioldi trac ite é jüs a fin de bëgn: na pert ala monia Maria Chiara Ellecosta por na scora tla Romania por cumprè libri y cialzà ai mituns; l'atra pert por cumprè 4 cioures por families dl'Etiopia. Chisc tiers é essenziài por les püres families por se trá le vire. Bel dylan de cör por chësc gran sostëgn y por la crëta ch'i nes dëis. - i Ministranc da Lungiarü

Le **Club di Seniors** da San Martin y Antermëia invieia düc en vëndres ai 19 de forá dales 14.00 tl Raiun Sozial a Picolin ala presentaziun dla Portina nöia por l'assistënza y la cura. Te situaziuns de debojëgn y de assistënza n'él püic che sá co organisé le guern y olach'an po perié do aiüt y ci prestaziuns ch'an á le dërt da ciafè. Düc é invia.

Invit ala sentada generala dla **Uniu di Ladins Val Badia** che porta inant n program rich de ativëtès culturales por nosta valada, en vëndres ai 19 de forá tl Istitut Ladin dales 20.00. Dedò pice renfrësch y conferta. Düc é bel invia.



www.unitepastorala.org

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

14.02. - 21.02.16 nr. 12

termo da publiché: jöbia 20.00
radio: 90,40 / 93,70



1^a DOMËNIA DE CARSËMA - C

Vangele do Lūca 4,1-16 (scurté)

Implí dal Spirit Sant é Gejú gnü condüt por caranta dis incërch tl desert, olach'al é gnü tentè dal malan.

Al n'â mangé por döt le tēmp nia, mo canche i caranta dis ê passà, âl fan.

Dailò ti à le malan dit:

Sce t'es le Fi de Dî, spo di che chësta pera devëntes pan.

Gejú ti à respognü: Al sta tla Scritöra: Le chestian ne vir nia mâ de pan.

Dailò l'â le malan condüt sön n crëp y ti à mostrè düc i rëgns dla tera.

Y al ti à dit: Sce te te pëtes jö dan da mè y te m'adorëies, sarà döt to.

Gejú à respognü: Dan dal Signur, to Dî, desste t'injenedlè y sorvì ël su.

Sön chëra l'â le malan condüt sö insom le tēmpl

y ti à dit: Sce t'es le Fi de Dî, sciürete jö da chilò;

ciödiche la Scritöra dij:

Al comana sü agnui de ciarè de tè

Šëgn ti à Gejú respognü: La Scritöra dij:

Te ne desses nia mëte le Signur, to Dî, ala proa.

Ci significhëia pa tentaziun?

Le malan la tol cun furbizia:

Al ti pïta a Gejú la poscibilitè da realisè le rëgn de Dî cun mirachi.

Mudé peres te pan por condüje insciö la jënt a crëie.

Avëi suzes, ester bëgnodüs, abiné döt y ester instësc tl zënter.

Por ci tru vá pa Gejú?

Adincuntra al scandal dla pasciun y dla crusc.

La tigní fora y soporté, ince sce l'di scuta defrunt a tan de soferënza tl monn.

Ara se trata de ne tomé nia tla tentaziun

y de ne dubité nia te Chël Bel Dî, che n'é por nos gonot nia da capí y che á en mënt döt d'atri trus co nos oressun jí.

Gejú l'á instës esperimenté sóla crusc:

La potënza che ne se para nia, l'amur de Dî che ne se defënn nia.

Y impò ól nes invié da confidé te chësc Dî.



	SAN MARTIN		LUNGIARÜ
14.02.16 1^a DOMËNIA DE CARSËMA C <i>Domënia dla Dlijia te ciasa</i> <i>dales 19.00 sona les ciampanes</i>	9.00 Corona por le defunt Artur Conrater 9.30 Gran Mëssa por la comunité 19.00 Invit ala oraziun te ciasa	14.02.16 Domënia	7.55 Staziuns cun le Cor de dljia 8.15 Gran Mëssa por la comunité 19.00 Invit ala oraziun te ciasa
15.02.16 Lönesc <i>Siegfried, Faustin</i>	19.30 Referat cun siur Sepl Granruaz sura le salm “Miserere” tl salf di stödafüch	15.02.16 Lönesc	17.00 Les Staziuns <i>degun Cërtl dla Bibla</i>
16.02.16 Dedolönesc <i>Iuliana, Filipa</i>	19.30 Mëssa 2 ^a de sopoltöra de Artur Conrater + Emma Trebo Conrater + Hannele Verginer	16.02.16 Mertesc	7.30 Zelebrazion dla Parora de Dî
17.02.16 Dedemesaledema <i>Sanc Fondadus di Servic</i>	19.30 Les Staziuns	17.02.16 Mercui	7.50 Mëssa di scholars dl ann de + Franz Flatscher + Frieda Huber Clara Vijita families Vila de Sura, Planacer Grones y Balzé
18.02.16 Jöbia <i>Scimun, Constanzia</i>	7.30 Mëssa di scholars + + + Nane, Arcangel y Monica Zingerle + Anna Vantsch, Sartú + Loise Palfrader Dasser Corona por vocaziuns Vijita ales families Lovara y Restalt	18.02.16 Jöbia	
19.02.16 Vëndres <i>Bonifaz, Irmgard</i>	18.30 Adoraziun chîta 19.00 Zelebrazion dla Parora de Dî	19.02.16 Vëndres	7.30 Mëssa + + Dapoz, Cargá + Carlo Planatscher
20.02.16 Sabeda <i>Amata, Iordan</i>	15.30 Mëssa tla Ciasa de Palsa 18.30 Mëssa prefestia 3 ^a de sopoltöra de Artur Conrater dl ann + Hannele Trebo, Tasser de rengraziamënt por fam. Günther Verginer Oferta por scialdé la dljia y la colonia	20.02.16 Sabeda	20.00 Mëssa prefestia dl ann + Florino Mischi dl ann + Giovanni Clara, Seres dl ann + Serafin Canins
21.02.16 2^a DOMËNIA DE CARSËMA C 	9.00 Staziuns 9.30 Gran Mëssa por la comunité <i>Oferta por scialdé la dljia y la colonia</i> 12.00 Bato de Marcel Sopplà	21.02.16 Domënia	7.55 Staziuns 8.15 Gran Mëssa por la comunité